


LAME DOOGO



DOOGO DOODHA

Ha'ne egenninoommokkii gobba ha'rate hendummoro iillishshanno doogo hiittenneetiro doo-dhineemmo. Illenke gotti assine xeertinse la'neemo. So'rote doogo aana hee'noommoro, lay'ne ka'ne taalo iillishshanno doogo widira hinga taashshi'neemmo. Hattoonni ikkine taalo doogo afi'nummoro geedote –gedenite yine ka'ne addaxxine ha'neemmo.

Atinna ani barru baalatenne baatto aana ta'annokki doogo (Uneoo hanfali qodhineenna digoofanno yinoonni maatto gede) ha'nannilla hee'neemmo; uurrinannokki kaayyootina; hakka hendoommowa iillinummoro, duumbara hinga dianfeemmo. Xa hee'nanni heeshshonni hiikka higge hadhanni noottoro afi'rootto? Afi'ri kayni.

BEIDDEESSU MAXAAFANKE

Kaaliyiqi-Maganu, baxillisininna shaqqillisinni Biddeessu (Suwisaancho) Maxaafa Keeraancho Gordo qolte massitanno doogo xawise leellishannoha uynonke. Kunni darchi (qooli) aana leellitanno maqishsha hakkunni Keeraancho (Fayyaaleessu) Mxaafi giddonni haa'rantinote (haa'noonnite). “Ate qaali anera suwishsha'yaati (dhaaddo'yaati), doogo'yara caabbichoho.” (Dawiti Faarso 119:105).

HALA'LADO DOOGO

Tenne hala'lado owaancho doogo aana bacu-lowohu fakkanu manni no. Waammate widira qole eessaanno bitimi hala'ladoho; hakkiichira massitanno doogo gurgurto woy gudaagundo afidhinokkii shotaatina, isera ha'ranno manni lowo fakkanaati. (Matewosi 7:13).

Tenne hala'lado owaancho doogora ha'ranno manni wodanu ille ballootaho (diphe noo mannaati). Hadhanni noowa di affino mannaati, woy di yaaddannoreeti; ba'anni noota di affinoreeti. "Ati danchate yootto doogo reyote widira massitanno doogo ikkitara dandiitanno." (Lawishsha 14:12). "Lii'lansa bushu ayyaani tenne gobba magani-Ilbiisu (Sheexaanu) tumsiise beeshshinonsareeti." (2 Qorontosi 4:4).

DUHA (BAY'RATTO)

Tenne hala'lado owaancho doogora noo manni cubbu duha (bay'ratto) duqqe noo mannaati. "Mittu mittunku cubbamino daafira Kaaliiqi-Maganu gato albinni faffe nooreeti." (Rom. 6:23). Maganu-Kaaliiqi albinni cubbonke maaxate di dandiineemmo. "Mannu manna iimiido la'anno Maganu-Kaaliiqi kaynni wodana la'anno." (1 Samuel 16:7). Cubbu duhi (bay'ratto) qotinsaranna badhensara baysiisaminonssareeti. Atinna ani uminke wo'naalshanni cubbu xure buxxe ille geeshshiha nafinni hoo'late di dandiineemmo. Yanna hadhu kiironni cubbu duhi (bay'ratto) ayrritanni hadhanno. "Cubbu erecco reyote." (Rom. 6:23).

BELEQO

Misilete aana leellannohu belequ malaati Maganu-Kaaliiqi hanqi xawishshaati. "Wo'munku manni reyanno, (reyannokkihu dino) reyote gedensaanni Maganu-Kaaliqiti halaali-farco no." (Ibranota 9:27). Hakkunni gedensaanni seeda lowoha waajjo barcima (zoofaane) inna barcimu (zoofaanete) aana ofollinoha laummo ... hatonono, reytinori lubbo lowiddaannunnitanna shiim-maddunnita barcimu (zoofaanete) albaanni uurrinore laummo. Maxaaffano fa'nantu hakunni gedenoonni wolu maxaafi heeshshonnihu fa'nami. Reytinorira lubbotenni heedhe assidhino (loosidhino) garinni hattenne borro (maxaaffa) giddo borreessame noo garinni farci'raminsa... ayno su'misi heeshshote maxaafi giddo borreessamino ikkihu giirate garbi (gaanamete) gid-dora tugami. (Ajuujja 20:11,12,15).

GIIRA

Maganu-Kaaliiqi keeraancho fayyaaleessa ikkinte geeshsha, sao (cubbo) assinohura ayeerano erecco karanno. Kaaliiqi-Maganu qaali kulannori cubbu erecco reyo ikkitinotaati. Hegerete hegerera owaattino ikkirira waammate (ba'ate) qilinta qixxaabbinoti nootaati. Fayyaaleessu maxaafi togo yaanno;... "Insa marte hatte waammara (qilintara) gooffanno. Mayra, yiniro (korkaatuno) insara godowinsa maganonsaati, coriidi halcho calla afidhinoreeti... tenne baatto aanire calla qu'lubisidhannoreeti (sinsinnaabbannoreeti)." (Filiphisusi 3:19). Kaynnilla Maganu-Kaaliiqi baxillu Maganootina. "Isi ayno ba'ara (qilinta eara) di baxanno; kaynnilla ayno assino saora (cubbira) aagintaawe (gaabbe) halaali widira higaralla baxanno." (2 Phex. 3:9).

Tenne lowo (jawa) shaqqimmani (joongillunni) jna baxillunni; busha xooqe fulara baxan-nohura baalaho furgau furcho qineessino. Heeshshote doogo afattora hasi'ratto?

HEESHSHOTE DOOGO — GATISAANCHO

Ninke uminke umonke (meessanaanni) cubbonke faansi'rate (fayyaaloo'mate) dandiineemmo ikkire ikkinummonte geeshshanni; saonkera (cubbinkera) uyneemmo korkaati hooginte geeshsha, Maganu-Kaaliiqi "Gobba-Goco" kalaqinonke (worinonke). Hakkonne Gobba-Goco (Gatisaancho) kakka'ite gati yiino. "Maganu-Kaaliiqi gobba kalaqe, kalaqooma lowontanni baxe; mitticho muu'raacha (laatticho) beettosi gobbate sayse uyno (kakkalino); ayno isinni addaxxannohu ba'anno ikki gedenna hegerete heeshsho (geedo) afi'ranno gedeeti." (Yoha. 3:16). Maganu-Kaaliiqi, Hegerete Anni, isiha mitticho muu'raacha (laatticho) beetosi Biilo (Mooticha) Yasusi Kiristosi soye kae; isinni addaxxinohu baalu ba'anno ikki (fundulanno ikki) gede; kaynnilla hegerete heeshsho (geedo) afi'ranno gede tenne baatto widira soynosi. Dayno isi (Kiris-

tosì) manchi gede (mannimmatenni) hee'rino. Kaynilla sao (cubbo) di assino. Dancharicho calla assanni: dhiwaminoha hursanni, ballinoha ille fananni, danqinoha macca fananni, babbi-cha arrawo tiranni, dhiigaamo fayyeessanni, battaamo ayyaana (ilbiisa) fushshanni, yaaddinore (qutitanni heedhannore) jawaachiishanni, hudidhinore duushshanni, halaali sokka (wongele) mannaho Maganu-Kaaliqire kulanni (rosiisanni) hee'rino. Isiti bay'ra manninatìsi hedo ninke duuchinke saora (cubbira) kakkalame reyate. Isita mganimmate lubbo, isita muxxete mundee ninke saora (cubbira) gondoorarati (falaraati). Isi badhesi battaammu (cubbaataammu) manni harxxummissannasi (wodambissannasi) cince isinoonni sayse (shollishe) xanqadhe umisira wortasi geeshsha; jaarre qasse rarraassasi (suttee toggasi) geeshsha fuqqe sammi yiino. Kiristosi umisi ninke uminke (meessinke) sao (cubbo) manninatisinni duqqe (doysse adhe) masse haqqaho jaarre qasino (sute togino).

Sa'aataamu (cubbaataamu) gedeeha ikke hakkonne lawe gondoosunniha gobba goco ikke sammosi, utunni qunkkissannasi, badhesi sharbeenunni wodambissannasi lungaassannasi sammi ye cince manchi beetti batte haqqichu aana sute toge jaarre qase dirrannokki gede asse batte Anninke Kaaliqi-Maganu albinni hoolino (faansino).

REE MUUXASI (REYOTENNI KA'ASI)

Yesusi Kiristosi, waammate giddo (wammate otoottora) sase barra gale, saykiidi soodo muuxe fulino (reyino wiini baqqi yino). Baallesi (Hawaryatesi) (Isi Gadaanaati insa baallesi) ledo hasaawino, ha'ramino, shoollaahu barri gedensaanni (duumbaanni) iimira-gordo fule Annaanni-Kaaliqiwa qiniiteenni ofollinowa mare womino. (Rom. 8:34). "Heeshshonke wodaasinchi (gatisaanchi) wo'ma mootummanni wome-wo'me iimirano uullarano moohe no." (Mate. 28:18). "Isi, isi widoonni Maganu-Kaaliqiwa higgannore gatisate (faansate) dandaanno. Mayra yiniro, Magano-Kaaliqqa hagiirisiisate, hegerete hegerera (geedonniha ikke) hee'ranno daafiraati." (Ibr. 7:25).

GORDO

Gordu Kaaliqi-Maganu wo'mu ayrrinyisinni hee'ranno baychooti (WOYYOOTI). Biilinke (Mootichu) Yasusi Kiristosi togo yiino, "Ani ki'nera baycho biddi assammora (seekkammora) ha'ranni noommo. Ani ha're kae baycho biddi assummo'nehu (seekkummo'nehu) gedensaanni (duumbaanni) galagale dayemmo, ki'nenno ani hee'reemmowa heedhinara haa'reemmo'ne." (Yoh. 14:2-3).

Hakku baychi maalalete baychooti, "Hindiiddo illensa aaninni fee co'o asse holannonsa baychoti. Reyos lankita di heedhannowaati, yaaddo woy wi'la, woy xisso, di heedhannowaati. Bashshoorchi co'o ye saino." "Hakkiicho barru dihashshanno,... Korqaatuno, Mootichu Kaaliqi-Maganu xawonsa (arrishshonsa) ikkinohuraati." (Ajuujja 21:4; 22:5). Hakku baychi woyyote; lago baychooti. "Battaamurichi (lago affi'norichi) faansammo ikkiirichi hakko baycho eate di dandaanno, woy aynoseermalenniricho assannohu, woy kapho coy'rannohu; Wiliilichunnihi heeshshote maxaafi giddo su'minsa borreessaminori callu e'ara dandiitanno." (Ajuujja 21:27). Gordo e'nanni malika mitticho callate. "Ani doogote, halaaleho, heeshshote; ane widoonni agurranna ayno Maganu Annunniwa iillate (eate) didandaanno." (Yoh. 14:6). Gato isi widoonni calla afi'rantanno; baatto kalqate aana manchi beetto gatisate, Kaaliqi-Maganu wommenna wolqa uynosihu wolu ayno dino." (Hawaroto Looso 4:12).

HATTENNE WOYYO MASSITANNO DOOGO HIITTOONNI HANANFO?

1. "Cubbikki wiinni wirri yite ka'e dancha Duduwo amma'ni." (Marqosi 1:15).
2. Mootichu (Biilu) Yasusi Kiristosiwa ammo (higi) ashal'li, cubbikki duha (bay'ratto) duqqite (baydhe) heedhenni sa'uta saysi'rannohe (maarannohe) gede xa'mi'ri, isinni faansami-loogami. Isi togo yiino, "Ani ayeeno anewa daannoha duumballitte diqoleemmo, di agaweemmo." (Yoh. 6:37). "Duhu bay'ratto ayrritino'neri baalunku anewa amme, ani fooliishiisheemmo'nena." (Matewosi 11:28).
3. Cubbu wiinni fulate Kiristosi calla addaxxi. "Yasusi Kiristosi mundee, Magani-Beettiti calla

faansitahera dandiitannona.” (1 Yoh. 1:7).

4. Isi callu haaro heeshsho aahera dandaanno, ...Kiristosi togo yiino “Ayiino qaal’ya macciishe ane soynoehunni addaxxannohu hederete heeshsho (geedo) afi’ranno.” “Hattoohura beebba (busha) di farci’ rantannosi; isi rehote wiinni heeshshote (geedote-gedenote) widira saino.” (Yoh. 5:24). “Ayiino Kiristosinni xaadiro, haaro kalaqama ikkanno, akkalle sa’anno, haareenyu daanno.” (2 Qoro. 5:17).

5. Wodanikki-lii’liki-buqqeekki giddo; urchikkira keere afi’ratto. “Xa ninke addaxxonkenni Maganu-Kaaliqi ledo mitte anga ikkinoommo-araarammoommo. Mootichinke-Gadanke Kiristosi Yasusi widoonni hinge Kaaliqi-Maganu ledo keere afi’noommo.” (Rom. 5:1).

“Halaali-farco tenneeti: Kaaliqi-Maganu hegerete heeshsho-geedo-gedeno, kaayyo-kaayyi-ma uyiinonke, tini heeshsho-geedo umise kaima-burqaisi afidhinote. Ayiino Maganu-Kaaliqi Beetto afi’rinohu tenne geedote heeshsho afi’rino; ayiino Maganu-Kaaliqi Beetto afi’rino ikkihu geedote-heeshsho di afi’rino. Ani tenne sokka borreessanni noommohu, hegerete (geedote) heeshsho afidhinoonnita afidhinaraati — Kaliqi-Maganu Beettiinii addaxxitinoonni (amma’nitinoonni).” (1 Yoh. 5:11-13.).

HAARO HEESHSHO HIITTOONNI HEE’NANNIRO

1. Fayyaaleessa (Qullaawa) Maxaafa barru baala lai (nabbabi). Heeshshote (geedote) doogora xawo (caabbicho) ikkasinni lubbote sagaleetina (ameessaatina). “Xa ilammo daaimi gede ikki, duuchanka woyte kaayyote ado ka’rii (sinsinnaawi) hatto ikkittoro tenne kaayyote (lubbote) ado (ameessa) agganni lophatona.” (1 Phex. 2:2). La’atto (nabbabatto) woyte Kaaliqi-Maganu Halaali Ayyaaninni suwisannohe (dhaawannohe) gede ashala’li (xa’mi’ri).

2. Barru baala (sooddu soodo) ashala’lotenni Maganu-Kaaliqiwa shiqi, Yasusi su’minni xa’mi’ri “Mitturichirano kurchonkanni yaaddooti (be’enni yitooti, hasiisannohericho baala ashala’lo duuchateni Magano-Kaaliqi xa’mi’ri, duuchanka woyte galatu guweenynyi wodaninni shiqi, Kaaliqi-Maganu keeri manchi beetti hedara dandaanno ikkihu wodanakinna lubbokki (lii’lakki) Kiristosi asse allaalannahena.” (Filiph. 4:6-7).

3. Wolootaho Kiristosi assinohere kulinsa. “Mini maatekkiwa higge hadhe ka’e Mootichu assinoherenna mageeshshi danchumma lellishinohero kulinsa (odeessinssa).” (Mari. 5:19).

4. Jifamatto woyte, Mooticha (Biilokki) woshshi’ri. “Isi hakkore jifantannore kaa’lansara dandaanno, mayrano, Isi umisi jifame qarra afino daafiraati.” (Ibra. 2:18).

5. Galagalte cubbamittoro, hakka woytanni Kaaliqi-Maganoho aagintaawi. “Ninke cubbonke gaabbine (bangange) Kaaliqi-Maganoho aagintaamburo, isi qaalesi ayrrise kae halaale wonshno. Isi cubbonke saysi’rannonke (dallaa assi’rannonke) assinoommo busha baalatenni faansannonke.” (1 Yoha. 1:9).

6. Kiristosi Yasusi, ateneenni wolootu addaxxaasine (amma’naasine) ledo seeransiisi’ri. “Ane murrishsha tenneeti: mimmito’ne baxxe, ani baxummo’ne gedenni.” (Yoha. 15:12).

7. Kaaliqi-Maganoho duuchanka woyte owaati. “Ayno ane baxannohu hee’riro seeri’yara (roshiishshi’yara) owaatanno.” (Yoh. 14:23).

8. Saalfattooti (waajjitooti); be’enni ytooti; Kiristosi-Yasusi atennii ledo noohena “Horontanni di agureemmohe, horontanni di fageemmohe.” Yiinona. (Ibra. 13:5).

9. Ateneenni raabbe Mootichu Kiristosi-Yasusira uy’ri. Isi ate geedo-gedeno (heeshshoki) Isi halcho garinni dhaawohena. Tenne doogonni halaali hagiire afi’rattora dandaattoona.

For **free** Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)